



UNIVERSITÄTS-
BIBLIOTHEK
PADERBORN

Universitätsbibliothek Paderborn

Von anbettung vnd ererbietung der tzeychen des newen Testaments

Karlstadt, Andreas

Wittembergk, 1521

VD16 B 6218

xvii

urn:nbn:de:hbz:466:1-33427

auch auffgehendet werden / auff das meniglicher / der yn
yhnem glaubet / nit verderb / sondern das ewig leben hab.
Joan. iii. Mit diesem wort gibt vns Christus zu erkennen.
das er am Creutz ein zeychen gewesen ist / wie die schlang
Moisi in der wüsten / die zu eynem zeyche auffgeworffen
war. Num. xi. Was wollen sie nu sagen. wan sie gotliche
wort dar verstendigt / das Christus ein zeyche am creutz
gewest / wie die schlang Moisi den gebissen vnd ansehen
was auffgehendet / welche die schlangē ansehen / die war
den gesund gemacht / welche Christū / yn glauben / an
sehen. die hetten das ewig leben / vnd waren vor verdam
niß versichert. Die schlangen was ein zeychen der ver
heyschung / die leyliche gesundheit verkündiget. Christus
ein zeychen der zusag / die allen glaubigē / geistlich gesund
heit / verhaltung des verderbens / vñ ewig lebē verhiesch.
Sih das Christus ein zeychen ist. Sih wie Christus alle
gerechtigkeit vber sich in seynen vatter auffregt / der als
ein gott ist / vnd mit keyner creatur vereint / als Chris
tus vereint was Sih das ist / das Paulus spricht.
Er ist ein gerechter / der gerecht macht / den yhenen / der
durch den glauben Christi ist. Rho. iii.

xvii. Wiewol dz gnug solt sein. Dāneft sollē vnser feind
wissen / dz der herr ein zeyche yn Esa. genant ist. Welcher
in. lv. c. also spricht. Der herr wird yhn zu eynem namen / vñ
ewigen zeychen sein. das nicht vergehn wirt. Sich der
herr soll ein ewig vnvergenglich zeyche sein. Wier selber
spricht. Ich werd bey euch bleybē / bis anf end der werlt
Also ist vns Christus ein ewig zeychen. Den vnglaub
igen ist er ein zeychen / des widerpellen / das yderman
ansicht / das sie widersprechen / als Simeon gesagt hatt.
Luce. ii.

xviii. Esaias saget auch / das der herr vns zu eynem
namen wirt werden. das ist. Wir werden vns in seynem
namen nennen / drums nennen wir vns Christen / von
Christo / vnd wie wir yn yhm eynen namen haben / also
seind wir in Christo / ein leyb. Dannach spricht Paulus